

越縵堂日記

第三十七冊

荀學齋日記兩集下

光緒七年辛巳冬十一月十八日丙午晴寒

敦夫來偕詣文昌館

聽曲傷晚歸

王信甫來不值

得紱文書偕夏氏明通鑑此

書久不檢理今日始編寫書籤甲乙及其帝紀先以首十冊偕之

十九日丁未晴

校魏書房伯玉宗吉士達景伯景光景遠傳及羅結

伊馱荀頴薛虎子等傳一卷房景光五經疑問十四篇雖頗淺近亦有

意理薛虎子徐州所上屯田減賦二疏甚切邊計北史概芟之非也 同

年徐亞陶來

得王信甫書約明日午飲

得紱文書還明通鑑

十冊再以後三十冊偕之

署中告送倉監督汪不願

二十日戊申晴有風

鬢頭

作書辭信甫飲

同年黃狀元思永

來同鄉新分兵部員外徐友蘭來

夜飯後敦夫來借詣鐵香汝翼圍鑪暢

談至二更後歸寒月半街映鑑清絕

二十一日己酉晴

得益吾祭酒書印復

得紱丈書還明通鑑

三十冊即復

校魏書韋閔韋珍蘇湛杜銓裴駿裴修裴宣辛紹

先辛祥辛少雍辛穆辛子韻柳崇等傳一卷竇瑾許彥李新傳一

卷盧玄盧度世盧淵盧義僖家傳一卷兼校北史讀盧氏家傳云房

崇吉母傳氏度世繼外祖母兄之子婦也兗州刺史申纂妻賈氏崇吉之姑

女也皆亡破軍途其病憔悴而度世推計中表致其恭北史作供竊意恭恤乃敬恤之謂恤

每覲見傳氏跪問起居隨時奉送衣被食物亦存賑當作振此據北史魏書誤作賑賈氏供

其服膳青州既陷。諸崔墜落。多所收贖。及淵昶等。竝循父風。遠親疏屬。
叙為尊。行長者。莫不畢拜。致敬。閨門之禮。為世所推。謙退簡約。不與世
競。父母亡後。同居共財。自祖至孫。家內百口。在洛時有饑年。無以自贍。然尊
界怡穆。豐儉同之。親從昆弟。常旦省謁。諸父出坐。列室至暮。乃入朝府之
外。不妄交游。其相勸以禮如此。淵兄弟亡。及道將卒。後家風衰損。子孫多
非法。惟薄混穢。為論者所鄙。往復其言。為之三歎。國無常治。家無恒理。君
子之澤。五世而斬。象賢之堂。構紹之甚難。不肖之寔。衰墜之甚易。如漢之寓
石梁之馬蕃。唐之花樹。皆不數傳而隕。房杜平勳。作門戶一世。而敗柳氏家
法。乃育賊璩。是以達人哲士懷。畢生整暗室之衣冠。戒惰容於妻子。片
言無苟小節。必矜凡以觀法。子孫導迎善氣。觀盧氏之所為。尊行者疏親。

必拜遭亂者敬禮無愆長者家風誠可尚也以之式俗百世當原而伯
起必葡著不才發揚中菁可謂聞善若驚聞惡若崩者矣小人不樂成
人之美所以為祿史也今日所校尚有可觀感者數事并列於後

寇治兄弟並孝友敦睦白首同居父亡雖久而猶於平生所處堂宇葡設帷
帳几杖以時節開坐列拜垂淚陳薦若宗廟然吉凶之事必先啟告遠出

行反亦如之冠讚傳

案此即禮下室之遺制也時南朝藏榮緒者通履論亦因此意實良法也
竊謂凡士夫家室宇稍寬皆宜設而行以陳設常御不物及平生所愛更代則易

房景伯性溫和不涉機經史諸弟宗之如事嚴親及弟姪

諒此當是弟之
名北史亦誤亡疏

食終喪期不內御憂毀之容有如居重其次弟景先亡其幼弟景遠期年
哭臨亦不內寢鄉里為之語曰有義有禮房家兄弟及母亡景伯居喪不
食鹽菜因此遂為水病積年不愈景先沈敏方正事兄恭謹出告反面

晨昏參省。側立移時。兄亦危坐相敬如對賓客。兄曾寢疾。景先侍湯藥。衣冠不解。形容毀瘵。親友見者莫不哀之。房法華傳

裴修愛育孤姪。同於己子。及將異居。奴婢田宅悉推與之。裴駿傳

裴安祖少而聰慧。年八九歲。就師講詩。至鹿鳴篇。語諸兄云。鹿雖禽獸。得食相呼。而況人也。自此之後。未曾獨食。同上

辛紹先丁父憂三年。口不甘味。頭不栉沐。髮遂落。盡故常若。垂裙。早帽。孫

少雍少聰穎。尤為祖父紹先所愛。紹先性嗜羊肝。常呼少雍共食。及紹先卒。

少雍終身不食羊肝。少雍妻王氏有德義。與其從子懷仁兄弟同居。懷仁等

事之甚謹。閨門禮讓。人無比焉。士大夫以此稱美。辛紹先傳

君五事。皆人倫之極則也。士夫家當書此。類作屏風。非特教家子弟。亦可令

內外姻黨觀之

陳書玉約明日夜飲

是日復落一函浮出未盡口食

將窮

郎鈔

上據前據劉坤一奏江甯三解樓地方一案訊有革員胡金傳妄攀教供隨同問官喝令用刑逼認情事當經降旨將胡金傳嚴行刑訊並將問官洪汝奎等解任查辦茲據御史李郁華奏問官冤殺無辜督臣意存袒護等語究竟胡金傳如何私與問官刑訊其妄攀教供洪汝奎等有無授意情弊著劉坤一秉公研訊前奏所傳洪汝奎以案情重大稟請另派大員覆訊是否有案可憑著確切查明於定案時據實覆奏毋稍徇隱自干咎戾

二十二日庚戌晨及午晴午後多霽嚴寒 是日欲作宋平城升城攷以

寓中書多不葡不成 閱王伯厚氏通鑑地理通釋 潘孺初來袁

爽跡來談至夜去 是日閱邵鈔前日給事中張道淵請定專祠并

限片奏有云近來如黎培敬為質長節奏請傳謚楊昌濬為琦善奏請

建祠不惟是非顛倒功罪不分直是明知故為欺罔 君上若再漫無限

制將來數十年後必至妄殺無辜如已革提督成祿已革總兵李有恒

且有誇張功績捏詞為之奏請若其言可謂痛快

二十三日辛亥晴午後有風 寫單約孺初鐵香仙坪書王敦夫及

張 王霞西後日飲聚寶堂 作書致鐵香 晡詣王益吾陽

談見其寒葉姓所購林和清硯有和清小象在硯背又硯側題識三行

言殿直丁君所贈硯角有李天生藏識硯匣有潘稼堂題識然和靖識語甚凡近且自刻象其背似非高士風流也又有五雲深處是三台一硯云是

東坡物端石甚溫潤面有三白點所謂三台也其物云皆得之吾鄉倪署正

壘署正為前任順天東路廳同知

本名步洲會稽人嘉慶己卯舉人

之子浮沈貲吏輕躁不學

而頗好古三十年來日乘回舊攤小肆間摩挲骨董出入販賣家甚實亦

藉此自潤頗能辨識真贋為鄰人所推一事能埒亦足流譽士大夫間晚

赴書王之招范仙敦夫介唐光甫伯馴諸君已早至夜飲至一更後散余

邀光甫敦夫諸君飲霞芬家招玉德四更歸

得爽味見懷七言

絕句一首

付霞芬酒肉錢四十千賞其僕十千車錢十千客車三千

二十四日壬子晴

校魏書高允傳一卷李靈崔鑒兩家傳一卷高傳汲本

誤字最多宋本頗足認正高允徵士頌有云祖根運會克光厥猷仰緣朝恩
俯因德友功雖後建祿實先受班同舊臣位並羣后以猷讀上聲與友受
后為韻 咏來林絕句寫致之 是日冬暄頗美心亦甚閒欲出詣人談
無可詣而止 得來林書即復 舊僕於福來告其父喪給以錢六千

二十五日癸丑晴

校魏書尉元慕容白曜傳一卷白曜功高冤死本傳

載其被誅事甚略幸有太和中成淹追理一表稍著其坐獄之由詞氣抑揚
文采甚壯魏代之佳疏也北史安之非是又校韓茂皮豹子皮喜傳 晚

詣聚寶堂仙坪橋訪及王耀斌張

已先在鐵香叙平光甫繼至飲至

夜二更歸

得益吾書即復

同年黃慎之修撰為婦樊開帛送奠分四千陳

文範吏部為從父開帛送奠分二千付酒保賞四千客車錢十三千車錢四千

邸鈔

上諭御史陳啟太奏大員執法徇私請予罷斥一摺據稱本年秋間兵部出有題缺郎中以鄧天符擬補吏部尚書萬青蔡以其婿李邦楨急於得授意司員妄傳鄧天符不合新章經兵部引案駁回遺延不覆迨兵部續有缺出李邦楨有缺可補始援案照准等語吏部辦理此案何以前後兩歧是否萬青蔡有背公徇私情弊著都察院堂官查明據實具奏

陳疏稱萬青蔡辜恩恃寵貪劣眾著近數月來錄案以鍾秀一案李鴻章以李秉衡一案皆隱情陳訴部中雖奉令例文飾辭即過而司員之妄肆詆誣書吏之勒索賄賂費則皆從而有微文云視聖旨為具文等語務為寬濫

上諭前據涂宗瀛奏新犯胡體安臨刑呼冤一案日久未據訊結茲據御史陳啟太奏風聞承審各員有夤緣新任撫臣意在避重就輕串令該犯誣認為從如有不承擬即監繫減口等語人命出入所關至重著李鴻章迅將

此案秉公訊結務成信讞毋稍瞻徇

大學士寶璽奏病尚未痊再行請假並請將事務派員署理

詔賞假一月所管鑲藍旗滿洲都統著瑞聯署理

以內閣侍讀學士胡義質為順天府府丞

以記名總兵蔡標補雲南開化鎮總兵

蜀王成在廣東告病

前江西廣饒九南道文惠授江西吉安府府道

本任蔣繼沐告病

前陝西鹽法鳳郿道方鼎錄選甘肅平慶涇固道

本任鄭錫殿丁憂

二十六日甲寅晴比日稍暈 印結向送來是月公費銀十五兩 海運倉

送來奉米七石半止得八百三十斤付車錢八千 校魏書封敕文呂羅

漢孔伯恭傳又趙逸胡方回胡叟宋絲張湛傳讀胡叟傳覺箕顓風流

去人不遠然其人宜入之隱逸雖賜散勳散爵未嘗一日仕魏收以其與趙
逸等俱自它國來遂以同傳然叟未嘗受姚氏及沮渠氏官也密雲嚴邑
有此寓公泰谷鮑邱政懷芳躅

卽鈔

二十九日大高殿開壇祈雪親詣拈香仍命親王貝勒分禱時應諸宮廟
二十七日己卯晨霽旋晴上午復霽下午散晴 校魏書宗勳段承根闕

駟劉昫趙彖索敵陰仲達等傳宗勳贈高允詩云味共思冲翫易體復以
復卦之後讀去聲與茂秀宙為韵段承根贈李寶詩云襁交問鼎終盈

訪彌士彌士即璽字璽本从土作璽說文入土部此詩讀作彌與緬踐揃為韵

皆可以徵古音劉昫

北史傳其字延明
歷唐世祖諱

傳云李曷好尚文典書史穿落者親自補

治又云沮渠蒙遜令昭專管注記築陸沈館於西苑躬往禮焉趙逸傳云

神龜三年三月上巳世祖幸白虎殿命百寮賦詩逸製詩序胡方回傳云為

赫連屈丐即夏世祖勅統萬城銘地祠碑諸文頗行於世皆可想見霸朝文事斐

然之美立國一隅必有與也趙宋傳云隴西王源賀宋佛經並旨作祇洹精舍

圖偈六卷宋為之注解亦足見禿髮家風文采照人為補治書史事蒙遜

築陸沈館事晉書載記及十六國春秋皆宋采方回為統萬城銘事載記以

為其父義周所作魏太武上巳賦詩又晉書涼武昭王李玄盛傳亦載玄盛

居酒泉上巳日臨於曲水命羣寮賦詩而親為之序此兩事目今輯要俱

未及收 傳懋元宋 得王鼎丞山西冀甯道任中書惠銀二千兩

比日頗惠款款

邱鈔

上徐烏拉喜崇阿等奏交查吏部一案應否回避聲明請旨一摺烏拉喜崇阿詳

原身徐用儀均著准其回避烏拉喜崇阿以任吏部侍郎時曾同查稿許徐以與李邦樞同在軍機處行走故皆引避

署浙江提督黃少春奏假期將滿請開缺養親 許之

二十六日丙辰晴蘇煦如春 偶閱吾鄉陳士莊先生榮同姓名譜李

姓兩冊采取極多而舛謬不可勝言即以北魏一朝論隴西之李冲李茂范陽之李

訢頓止之李疑李獎李構皆誤分為兩人而李崇不知北魏有二一字繼長頓

范陽人即訢范陽人即訢李肅不知東漢有二一桓帝時南郡太守見桓帝紀及西鑿傳李嵩不

知有東漢兩人一魏郡人為大司農見蘇不韋傳一下邳李恂不知有東漢之武威

太守安定人范李充不知有北魏之中散大夫字德廣隴西人李平不知有南唐

書有傳

誅戎之衛尉卿

女姓馬名訓為陸西唐書自有傳為紀傳及陸傳俱作衛尉卿知司農寺掌准陸紀作戶部侍郎

甚知不知康初有涼王

李軌而以為司以國盜不知康芙蓉人鏡下及第之李國言而以為李國同

名至於明永樂洪宣間有順天順義人李慶字德字由監生歷官左都御

史工部兵部尚書加太子少保征交趾戰沒而誤分為兩人云一兵尚一刑尚成

化間有順天香河人李太

此與光武同姓為謹依後漢書書鄭太鄭太例

字文通正統十三年進士歷官

翰林院侍講學士少詹事詹事平贈禮部左侍郎而亦誤分兩人云一詹事

一翰學此類益不可數然如晉有兩李矩

一山陽人有傳一江夏人元之父見元傳

北齊有兩李構趙

鄉人華之子見李靈傳一頓止人獎之子見李平傳北齊書有傳俱名士

有兩李熙

一趙郡人封平棘子一唐高祖之為祖後進年為獻祖宣皇帝皆已校舉

無遺其懷羅亦云勤矣

作者致益吾祭酒還宋幫魏書五冊得復 傷

晚視教失亦饋以雜贈一器

二十九日丁巳晴散霽仍蘇

作復王鼎丞書付其家丁

鄧鐵

香來

傅子尊來畱共夜飯後去

讀南齊書高逸孝義傳余最

喜讀南北朝時兩流之傳以其際暴君接連亂臣代出天地睢刺非此則

人道幾乎熄也然諸史隱逸傳中亦鮮金節蕭齊世促完美尤難而褚

伯玉藏紫緒劉州康易宗測諸人絕意人寰噤然雲表藏劉兩子實兼孝

義榮緒母喪之後著遠寢論歸灑堂宇置筵設席朔望拜薦甘珍靈

預母亡之後在外祖忌日生徒輟講閉門垂泣

此事不載州傳中見梁書孝義韓懷明傳

此二事可

以補禮經之未及歟永感之恒規止不獨康子陳經著遵聖之盛典雲香

導緒想精梵之高蹤耳

夜款更甚二更後大風

三十日戊午晴間有風仍不甚寒

閱王益唐祭酒漢書補注司馬遷